

四庫全書

集部

欽定四庫全書

集部
御製詩五集卷四十七

欽定四庫全書

御製詩五集卷四十七

古今體七十八首

已酉五

春雨軒

春雨真春雨未曾即景哦因煩來每少轉慮致過多

今春

雨澤霑足現在正麥苗勃發之際
又慮過多為君之難此其最者

可識君難矣其如德

薄何惟存恒畏滿或鮮至成訛

萃景齋題句

望霖之際喜鳩鳴盼霽之時愛鵲噪

鳩喚雨鵲噪晴設
農家用為占驗

或顛倒逢其會則又顛倒殊其好可識人情本無定萬
物那盡如願報弗如願斯憮然增而其憮本由自召齋
名萃景景萃斯不若無欲觀其徵

將軍鄂輝等奏報收復宗喀濟龍聶拉木等處廓
爾喀悔罪乞降歸順信至詩以誌事

偏師護藏匪佳兵雪阻軍郵盼信悻

上年七月內駐藏
大臣慶林等奏廓

爾喀在附近後藏地方搶掠濟龍聶拉木宗喀等處隨
令將軍鄂輝等帶領駐防滿兵五百名綠營兵一千三

百名屯練降番一千二百名分起前進護藏並聲罪致討旋即據奏賊番一聞大兵進勦紛紛退遁及我兵收復宗喀後適因春雪連綿難以進取明知賊番斷無能為而阻雪稽延不禁盼望懸切

次第番邊

俱已復畏懷遠部自歸誠

茲據奏二月下旬天氣稍晴一面即督兵由積雪微薄處

迤邐前進並派將弁帶領善能登陟漢土兵丁開挖路徑翻山架入遂將濟龍肅拉木等處俱行收復而賊衆先已遠竄現已逼近廓爾喀番界並飭令鎮將帶同戴綱喇嘛第巴等到彼境內傳喚緊要頭人適遇前次仲巴薩甲兩呼圖克圖遣往諭話之喇嘛諾勒鼐勒卓二人來營詢知彼處驚懼情形並云廓爾喀頭人因雪大怕冷俟天氣晴暖即同二呼圖克圖前來叩見願附編氓等語

彼之屈抑原為雪予也

勸懲付以明

此事初起時予即意駐藏大臣慶林等必有辦理不善之處隨令巴忠速往查辦嗣

據奏查出廓爾喀因噶布倫索諾木旺札勒平日苦累商人鼎拉木地方第巴桑噶私行加稅鹽內攬土又不
用彼處錢文心懷嫌怨及五十二年向慶林等告稱納
表進貢而索諾木旺札勒恐其控告伊等遂捏稱表內
言詞不遜慶林被其欺瞞未經具奏廓爾喀無處申訴
致有侵擾邊界一事隨將慶林革職在彼處枷號示衆
雅滿泰雖到任未久但不能查出亦即革職作為筆帖
式効力行走其私自加稅之桑噶刺字發遣索諾木旺
札勒雖已畏罪服毒身死亦不準伊子承襲台吉彼之
屈抑既伸宜其有輸誠歸順之心矣此事前後俱不出
予所料又何莫非
天賜
予哀俾得速藏其事耶
歸順不因耀黷武啟衷

天貺凜持盈

題宋人畫趙適瀘南平夷圖

是卷舊署為宋徽宗書李嵩畫合卷今證其偽改署宋人畫趙孟頫南平夷圖並題以句

畫出宋人筆法誠底須假借李嵩名

是卷幀首有篤恭二大字中段畫人

物宮闕及出師破敵諸景而未署名卷末有元余闕跋云經歷趙君康自述其先世清獻公有第在衢因兄弟廬墓縣令旌表其門稱為世孝後於徽宗政和五年廬南招討適以破敵功召對問其家世賜以御書篤恭二字因倩李嵩補繪為圖裱卷屬闕為之跋云今閱畫筆古雅渾厚非宋人不能而篤恭二字迴不類徽宗瘦金筆法疑出贗作因命文臣考訂乃知此圖係趙孟頫破晏州夷人卜漏故事與宋史本傳所載俱相脗合益信出宋人手筆矣惟云李嵩所畫則大不然更令詳按諸書縷析跋證卷尾以求一是瘦金那冠明

仁殿

係萬恭二字非徽宗瘦金書更有可證者所書紙幅

儀輟耕錄王士點禁扁二書元紙

飛火似宗即墨城

宋

安得宋書其偽不待辨而自明矣
史趙通傳云通欲襲取卜漏以土丁習險而山多生孫
乃遣丁伐去蒙密緣石挽藤而上捕得孫數十頭束麻
作炬灌以膏蠟縛孫背夜遣丁負繩梯挈孫而上及賊
柵然炬孫熟狂跳賊廬舍皆茅竹孫竄其上火輒發孫
益驚火益熾麾軍躡雲梯攻其前賊赴火墮崖死者不
可計俘斬數千人卜漏突圍走追獲之晏州平蓋襲用
田單火牛之策而不知大有乖謬者向作書光武大破
莽兵於昆陽事謂范曄稱莽軍驅諸猛獸虎豹犀象以
助威此語失之不經觀於田單火牛益足證虎豹之烏
有蓋牛為六畜之一束兵於角束羣於尾燃之必向前
奔而敵駭此事之所有也虎豹野獸也桺而畜之或可
豈能聽人之束首尾乎一出桺必亂奔橫跳或且噬啓

押之人已之軍先自亂其尚能威懾前敵乎火孫之事何異虎豹知其必出誕論矣自是平夷嘉

智勇故當守節表堅貞

趙過傳內又稱卜漏反時知若高公老適其妻宗女也為夷所

虜不辱而死及晏州平詔贈節義族姬以旌之是以圖中首段即畫一大第門有綽楔上題旌表節孝仁慈六字而趙康遂以此為附會張本耳總之此卷全係趙康欲表揚先代為此虛誣但自元至今已閱五百餘年即贗鼎亦屬古物況畫幅為宋人之筆尤不易得而昔人戡亂之功守身之節亦善善欲長者所當嘉尚是以登之石渠非僅誇鑒賞之精審而已欲長善善弃寶笈正論非誇賞鑒精

右繪宋趙適平晏州夷卜漏事幀首有篤恭二字末有元余闕明沐昕吳訥三跋皆以為宋徽

宗書李嵩畫

上宣示臣等

謂畫筆渾厚氣韻古雅非宋人不能到但篤恭字決非瘦金體而諸跋亦有可疑

命考證史傳進呈

指示既

御製七言律題其端詳加辨證復

令臣等縷析條系綴跋於後謹按圖雖通景而分寫事

實各具段落證以宋史通本傳無不脗合第一段
繪高公老妻趙氏旌節事第二段繪通功成入對
除兵部尚書事事在後而圖居前所以重朝命榮
君寵也第三段灌莽槎枿或植或仆萬夫邪許之
狀則傳所云瀘帥賈宗諒以斂竹木擾夷部夷人
咸怨也第四段立麾列騎鼓行前進迂師者踵至
則傳所云晏州夷卜漏反詔罷宗諒以通為瀘南
招討使攻克村圉諸落也第五段峭壁萬仞林箐

蒙密登者尻頂相接則通破卜漏於輪縛大困事也第六段兜鍪露坐弓矢林立俘者繫組泥首於前則通追禽卜漏於輪多困事也蓋彼時人親見故詳盡若此而舊以為李嵩畫按圖繪寶鑑嵩為南宋光寧理三朝畫院待詔計徽宗政和五年下距理宗寶慶元年凡百有九年安有為之補圖之理又趙抃衢州人其子岷見本傳孫景雲姪隣見本集今墓猶在衢而通開封人里居不同其時代

亦不至祖孫之遠蓋趙康乃適後裔自託清獻以
為遙遙華胄因家有先世舊圖遂以當時內殿名
箋偽作徽宗書以薙其事而不知即明仁殿三字
適自呈其偽作也余闕跋字體與它刻相類闕仕
元通顯寧不知其時殿名所以作此語者闕忠義
人於它人假御書混祖系不忍加以駁正而末云
經歷君康自述其顛末如此以示微詞至沐昕為
明成祖塤吳訥宣德時人相去既遠訛以傳訛更

不深考耳我

皇上於一展卷之際斥偽致疑不差銖黍固由

聖鑒精確實本

典學崇深而

詩中引田單之火牛闢昆陽之虎豹蓋牛為畜獸或可
致用若猱則與虎豹同一野性詩云升木尚須教
而後能豈有捕得生猱即堪馴擾之事旁通曲證
所以破范蔚宗之謬而明托克托之襲誠足息變

言而

闡至理若夫嘉趙邁之勞表趙氏之節即一零鱗斷楮
中而

見其大斯所以為

人倫之至

立言之宗也歟臣和坤臣彭元瑞臣董誥拜手稽首恭

跋

賦得規圓矩方

得循字五言八韻
覆考會試題

作器包犧始佃漁利下民矢弧興武脩杵臼濟農倫莫

匪出規矩却無稱所因

易繫辭言罔器作於包犧氏耒耜作於神農氏舟楫杵臼弧矢

作於黃帝堯舜氏然此等器莫不藉規矩而成而未聞規矩作於誰氏予以為方圓象乎天地此乃天地自然顯其象為萬古制器之準不藉人為亦無人敢稱作是器耳

圓方觀厥象天地示其

真是豈人之力難詳氏可遵量衡律度式長短重輕鈞

庶政慎宵旰萬邦同軌輪周旋折旋處惟謹不逾循

首夏青龍橋西四疊乙巳韻

夏令方臨春已過

是日立夏

靜宜期一賞槃阿夾途蓄目含

含麥出土慰心簇簇禾農況今年誠罕遇游情此際那
辭哦繼思志適隣乎滿戒滿其方非敬何

小駐玉泉山疊去歲詩韻

將欲往香山途中正此間遂因成小駐亦以趁餘閒芳
卉率過目良甦實解顏今年勝昨歲泉水盛溪灣

玉泉山西

輕輿曉發玉山西蔚綠如油麥穎齊昨夏前春誠彼勝
上兩年來此正殷望雨今歲春
膏疊沛麥苗芄起景象迴殊
持盈戒滿敬吾躋潤膏

更喜滋黍隴餘利何妨到菜畦今歲卷阿真僥倖松泉
之側暢吟題

棲雲樓三疊丙午韻

減從巖椒上筍輿靜宜

香山總
園名

到必此先居昔今日月

遂成例瀟灑林泉豈異初弗負斯來陟層閣雅宜憑眺
望新畬謂雲棲可去亦可不繫微之詩起予

天池二首戲用倒勾韻

山泉落澗去無遺砌石貯之鏡面披我亦不能變言戒

久哉與號曰天池

天上問誰曾見池設如窮辯義難披忽然失笑自忘我

雲上于天解孰遺

需之大象曰雲上于天雲即水也必如程子之言雲氣蒸而上升於天是

雲仍在天下究非乾下坎上之義蓋天為圓體地既載水而元氣之運於地下者亦天也知地之在水上則可知天之在水下矣此義前人殊未有闡發者詳見向所作雲上于天解

歡喜園得句

近云喜者懼之對吾已於斯知過矣

近著安南始末事記有云喜者懼之

對也蓋懼則若有所失心不敢放喜則無所更慮心或易放予於安南一役興滅繼絕弗利其土地臣民非欲

有所得也然得其實與得其名同當孫士毅奏復黎城封黎王之時不無為之喜及孫士毅不即遵旨班師駐彼逾月以致阮眾復來倉卒與戰提鎮二臣同時致命威重不無少損此則喜而忘懼弗能仰體

皇祖戒

得之訓矣因書事以誌過云

而何金仙殿之傍其園乃亦名歡喜聖

之歡喜寓以無凡之歡喜執以有叶有無之間別聖凡

佛於聖凡視同體如斯矣穀辯難窮調御默坐示大旨

海棠院

十歲九逢花謝時茲來瓊蕊滿芳枝春寒故為留姚冶

欲速應知莫若遲

來青軒自警

巖軒曰來青其青亦殊致林青供詩料麥青繫農計箇
間緩要分欣此兼其二去歲正望霖對青愁弗置今幸
足春澤對青誠滿志咄哉此言失滿招損之至惟增敬
畏深永希承

天賜

香巖室

室本據巖巔千巖復繞室誰主復誰賓其二乃本一然

非因此來是語從何出從知有為法六如觀弗失而巖室無言第一義更畢

玉華岫

此地育金粟

寺後有洞冬間育桂於此可以避寒蓋明時所築今名玉華岫云

今時名

玉華知胥非桂本蓋率自人誇月植應弗受夏初那作花如來拈不得迦葉笑還差

題正凝堂

處處書堂選字名無非道古淑今情位之正首重君道

命所疑當盡已誠弗拒人言惟巽入不為物蔽在離明
知之矣要行之力七字銘心敢變更

就松舍口號

初夏名山景復逢虬枝弗改綠陰濃

千林方吐葉時松故綠陰弗改也

匡牀坐凭思名義舍匪就松人就松

暢風樓疊去歲韻

樓暢風乎風暢樓難將能所辨從頭今來晴雨適均可

巽二聽其作與收

去歲此時方望雨雲正佈而風輒隨之是以暢風樓詩有望雨爾權收之

句今春雨膏優渥此時
雨固佳弗雨亦可耳

來芬閣口號

昨歲來當望雨時春霖今歲溥優滋目前雨可不雨可

見吐山雲又繫思

今歲春雨霑足此時不致望雨但晴
霽已經兩旬睇望山雲又興繼澤之

思耳

養源書屋有會

去歲詠養源絜矩至於心今歲詠養源更進於心斟酌
如泉之源盡處惟空峯心源曰於何天命謂性湛心微

有其跡性無形象任亦如泉盡處空空那可尋勅幾養

心殿孜孜勤不禁娛老易養性以待倦勤臨

歸政後即可優游彌

性不似今之猶日孜孜單心萬幾矣是以寧壽宮娛老之所以養性倦勤署額

然斯涉妄希權

此聽泉音

學古堂晚坐

靜宜

香山總園名

寢室曰學古宵養畫存義切斯匪說攸聞

言了了聰聽彞訓日孜孜

避暑山莊學古堂乃祖御書此地亦倣懸斯額

皇

已欣穠麥卜秋熟又見山雲傍晚披設復霑膏應盡善

得隴望蜀孰忘思

夜雨

四月十一日

傍晚霏疎點入宵夢細絲夜中報霧霈枕上聽紛披繼
澤誠希有問心敢即怡晨興咨庶政簷溜尚泉垂

山陽一曲精廬

渥雨淋泥弗陟山山陽一曲步跬

作平聲
見集韻

間濛濛冒處

和煙入颿颿披時與夏閒豈必武夷寄遐想漫同玉局
記開顏引來飛瀑方增勢七字當前那可刪

對瀑

山泉原引自香山今日飛流勢益潺萬事都緣天假力
勅幾遑敢怠其間

淹溢之中瀑沫垂一乎二也致然疑設如弗向雨中對
那得當前啓秘思

昨者田盤千尺雪石泉拊拂已看奇茲來助以雨聲壯
廿日流陰迅視茲

壁間題句已為多景固云同興異科自笑驀然逢杜老

賦詩之問答如何

淨涼亭得句

水當接上雨增淨夏即如秋氣變涼大異去年望霖苦
上年駐蹕此間正值望霖之際對景轉增塵
念若今歲之甘澤頗需遊賞胥饒佳興矣 灑然閒坐
賞煙光

懷風樓

額樓本自出無意却每題詩意不同慙愧歲西邊報遞
稱廓爾喀又懷風

去秋廓爾喀滋擾附近後藏地方一事予即意駐藏大臣慶林等必有辦理不善致失番衆之心嗣命巴忠前往查得廓爾喀因噶布倫索諾木旺札勒及弟巴桑噶苦累商人又不令其納表進貢以致無處申訴遂爾搶掠濟隴聶拉木宗喀等處及巴忠到藏審出弊端即將慶林等分別治罪加以官兵陸續到藏廓爾喀畏威即情願內附昨據將軍鄂輝等奏將宗喀等處盡行收復廓爾喀先已遠竄並據仲巴薩甲

兩呼圖克圖遣往諭話之喇嘛諾勒聶勒卓二人稟
稱廓爾喀驚懼情形且有願附編氓之語惟俟鄂輝
等見彼奏到之實信耳蓋彼之屈抑既申則其懷歸
風化之心自必出於誠悃登樓顧名益增敝慰云

署陝甘總督巴延三報雨詩以誌慰

時總督勒保入覲後甫出京回任該署督聞信由
甘回陝途次將雨雪情形馳章奏報

北省今年春澤豐甘蘭路遠企懷中報來各郡雨兼雪

落處入田化即融

今春北省各處雨澤均霑惟甘省自二月得雪後曾否續得甘膏以路遠未據奏至

正為繫念茲據該署督奏三月十八九兩日行至隆德地方遇雨雪入土融化約六七寸並據蘭州鞏昌平涼甘州西寧涼州慶陽各府屬暨直隸涇州秦州階州各屬先後稟報同日所得雨雪自一二寸至四五寸及深透不等春麥已出土者彌望青蔥甫經播種禾黍得此春澤土膏極為滋潤現在市集糧價中平民情甚為歡悅穀種上聲播真

資潤沃麥苗茁益發青蔥擘章時正對嘉霽

夜雨及辰未止

內外霑

恩感切衷

喜晴

夏雨繼春雨優霑放曉暉喜晴三四月得此以為稀禾

益發苗壯麥當吐穗肥若時心易豫惟慎勅康幾

栖月崖

崖傍畝平處栖月有閒房十歲九不入名孤實並忘
諸高因雨後得半憩晨涼靜室知非遠來尋靜亦忙

晞陽阿口號

夏景垂涼愛爽多晞陽雨後喜晴和人情不定有如是
情以為田當若何

遲雲館有會

去歲雲遲

平聲徐也遲待也

正憂今歲遲

去聲聲雲遲平

亦可一

字之聲平去殊而其憂樂互相左

上年望雨則因雲之遲而遲待之意亟憂

今春雨足則雲可遲而遲待之意亦足欣同一心也而遲疾違待之間憂樂判然矣

都緣甘霽被

渥優雲去雲來任其妥然而巖館付無心豈似嘒嘒頻

辯我

超然堂作歌

登靜室途此為中是可憇焉從衆願與者步者逸勞殊甚易知乎寧待論然而飽不知飢人曰食肉糜愚可恨

片時得句徐進前勞憩而逸兩無悶超然下視萬理通
弗恃一超乃統萬

靜室

室雖號以靜而室本無知設非偶一來是靜將付誰吾
因絜萬理亦莫弗如斯靜固勝乎動然尚屬有為知動
不知靜失豈僅毫釐借境乃有悟其失更足嗤

竹鑪山房

竹鑪肖以卅年餘

自辛未命做製逮
今三十八年矣

處處山房率置諸

惠寺上人應自笑笑因何事歟於予

最高處實乏山泉司事攜泉備茗煎好惡

皆去聲

因思可

不慎窺其欲者衆皆然

空山摩詰為予皴七字詩中取意神未此讀書曾閉戶

種松亦作老龍鱗

玉乳泉

瀉瀑龍池噴澗窩雄聲真越向年他細思此景非無故
一雨諸凡受益多

泉喻乳而乳喻玉層層體物率無涯乳腴玉潔精神養
比擬原非涉大差

山內溪流出山涸礧泉斷續概如斯因思四瀆歸於海
不息那知有涸時

綠雲舫

綠雲真綠雲一雨作其羣弗得可而得

自前月廿二雨後今已兩旬而

春膏霑透雨即少遲固無不可然不望得而已得尤覺可欣

此欣果是欣淙淙千礧

落靄靄四隣分比似昨年況幸哉更底云

運河

去歲香山詠運河迤南已佳迤北滯

運河八開迤南每年藉微山湖之水

灌輸濟運前年湖水微弱命侍郎明興前往動帑疏濬於定誌一丈一尺之外多收水一尺於是迤南濟運之水充足有餘惟自臨清以北專藉豫省之衛水入運而衛水來源既弱魚之直隸更多古淺以致去歲豫漕南糧不能迅速前進時和琳巡視山東漕務又命管幹珍馳往分投查探水勢管幹珍南赴館陶一帶和琳北赴武城德州一帶凡淤淺之所督令疏濬

今歲香山詠運河

幸哉南北胥通利

上年秋雨透足底水本屬充盈今春南北雨雪優霑是以水道益加深通

前又傳諭李奉翰長麟仍宜留心將微山湖等湖水相機籌蓄茲據長麟奏微山湖水較之定誌俱有

盈無絀而臨清閘外長河水勢於三月廿七日起至四月初四日止共長水一尺五寸連前底水深五尺內外又汶河於三月廿九日起至四月初二日止長水三尺五寸泗水亦同日長水三尺有餘今歲南北河道通利漕艘遄行實由來諸務在人為其用人為實吾事用之可無虞阻滯

得當乃吾幸用之不當吾過致屢經報漕艘遄行無阻

冀可復舊制

昨據倉場侍郎蘇凌阿劉秉恬秦山東德州衛豫省通州所等共二十幫漕船於二

月十九二十六等日陸續俱過津關又據漕督毓奇巡視南漕項家達節次奏頭進各幫於三月初十日過淮二進漕船三十二幫於三月二十九日全過淮安茲又據直督劉戡奏本年淮安頭條南漕首幫於四月十一日入直隸安陵汛境後跟大河前等幫俱接續行走現在直隸古淺處所水深亦在四尺以上足資浮送本年

係有閏之年節候尚早而頭幫已入直隸境界較之往年約早一月將來抵通回空總可趕復舊制等語可知事在人為用得其人則先事籌蓄宣節有方水勢可期源源足用糧艘即可不致遲滯而用人之事予固不得也

旁諉也

舊制之失過誰諉既慰既思既增愧

直隸總督劉峩報雨詩以誌慰

雨勢昨看想溥霑隔三日展奏書鈴四郊七寸優渥被

二麥雙禾

禾有早晚種

秀實添

昨十二日此間得雨觀其雲勢濃厚意謂沾被必廣茲果

據劉峩奏保定省城亦於是日自子及亥細雨綿密入土七寸四郊麥田益臻茂一切秋禾均已出土青蔥其各屬亦必均霑俟報齊續奏等語保定距京不遠先後得雨情形大畧相同夏收可望豐稔然兢惕之懷不

敢遽謂足恃也各屬情形待續報一心感激惕猶兼登秋長上聲

夏時尚早戒滿敢稱稔可占

普覺寺瞻禮

望日乘閒禮梵宮碧天朗霽曉曦紅若時曬麥誠為幸
未至登秋敢道豐現相豎橫真莫定傳說一二辯難窮

豎窮三際謂立與坐相橫遍十方謂卧相見梵典又舊
誌謂卧佛本有二相傳一唐貞觀中造一後人范銅為
之於前後殿各作偃卧相然今祇存一其
一不知移何處年代久遠亦不能置辯也
吾惟普覺叅

宸額

雍正十二年
賜名十方普覺寺

空色都歸

指示中

含清齋

右廂精舍在樸築早年成是地富於水含清因以名輕

風披淡蕩古月印光明千載婆羅樹

齋在普覺寺側殿前婆羅樹蓋千年

以上物相傳唐貞觀時所植云默然識此情

合碧亭口號

林碧四圍水碧下蒼於一俯仰之中奚妨即景叅合相

相匪空空相自空

古意軒

寺古軒亦古修葺那可少

寺為古刹自癸卯年始修葺之

因葺古寺便

新軒其側造軒之古藉寺寺之古誰肇太古山容佳唐

宋其後貌而誌寺之人每自唐宋考

寺建於唐名曰梵率其後曰昭孝曰

洪慶曰永安自宋及明蓋一寺而屢易其名也

我意則不然目前古了了

陝西布政使秦承恩報雨詩以誌慰

暮春之下澣此正弗需雨西安乃大霈盈尺深入土

據秦

三月初六十二十三等日西安府迤南各州縣及鳳翔漢中興安商邠乾等府州屬各據報得雨二三寸及四

五寸不等十九二十等日通省各府州屬均報得雨三四五六寸及深透不等茲西安省城復於二十七日寅時起至二十八日卯時甘霖大沛霖霖連綿入土極為霑足實屬夏收豐稔之徵且稱現在陰雲四合雨勢寬廣覽奏深為欣慰不惟飽麥薅亦且利禾黍並稱雨勢廣各屬

或霑普爾時撫署督承宣遂護撫

時總督勒保入覲因命陝撫巴延三往署

總督其撫篆例應藩司護理奏承恩奏報雨澤乃其專責耳

民務所當陳西望謝

天祐自問宜何脩無逸以為所

碧雲寺

隔嶺別為區精藍靜以俱每參相與好難論有和無法

雨真優渥碧雲任捲鋪設云雲那碧疊樹豈非乎

洗心亭

源遠落山泉疏治歷幾年

亭在試泉悅性山房之前泉源由碧雲寺來四十九年春

泉水忽微不能暢流查係來源處所為商戶採煤碍及地脈水由旁洩嗣罰令該商戶等將來源修治並將旁流堵塞以此泉復暢

園中百溪始

凡園中正凝堂勤政殿致遠齋等處池治

之水皆始於此池裏一亭懸可喚虛明鏡無資大小絃時時勤
滌照即是洗心詮

試泉悅性山房

性知泉潔弗試可泉愜性靈斯悅深然此悅誠非易得
甫田繼渥以甘霖

香山迴蹕至靜明園疊去歲詩韻

惟需一雨寸盈七大勝去年積祇三

去歲四月十一十二兩次得雨合計

僅三寸

峯態泉音都益美暮吟朝陟正相諳雖然正戒心

之放詎敢頃因景以耽五日言旋五里近

自香山至靜明園近五里

綠郊蔚潤慰真堪

題翠雲堂

園中堂最古枯更古於堂爰得翠雲號來消首夏涼雙
株撐戢晉一晌對相羊詎必金元考

堂前雙枯相傳
為金元時植總

成殷鑒覆

靜緣書屋

書屋既曰靜其緣何處來尋思二義具可以五字該一
曰靜之緣寂然境鮮埃一曰緣以靜淡若心息猜戶外
圍峭蒨室裏無安排可以消日長可以觀物佳而我勑
幾人戒此久徘徊

清貯齋

齋貯清乎清貯齋相資適足引澄懷三間設以方寸喻
名實箇中萬寓皆

直隸總督劉我奏請緩徵保定河間各府屬糧銀
即如所請並誌以詩

去歲西成幸告收無如借項有餘留

劉我奏保定府屬之清苑安肅蠡縣

三縣及河間府屬之河間等十一州縣均有節年未完
緩帶糧銀雖該州縣上年秋收尚豐而應完緩徵之項
為數較多且五十三年糧租係本年應行奏銷之項及
五十年以前節年緩帶糧租並本年新糧亦應依限完

解若一時並徵民力未免拮据開徵祇可本年納並繳原難歷載求四

府帶完恩沐昨

前據劉莪奏直隸順德廣平大名三府節年緩徵糧銀並宣化府屬因災出借

口糧及緩徵糧銀奏請分年帶完已允所請行矣

兩年為乞緩催秋

茲復乞將保定府屬

之清苑等三縣河間府屬之河間等十一州縣五十一兩年未完緩徵地糧旗租並緩至本年秋後起徵俾閭閻益資寬裕等語因即諭部速飭展限惠民之事從不肯遲留也惠民曾是弗宿諾諭

部宣行速置郵

賦得歌器

得知字五言八韻考試試差題

周廟有陳器入時乃見之固當每事問因自守人知曰

此為右坐識其名號歆爰教以水試喟嘆寓辭垂虛滿
過不及中庸正始宜鑄銅猶古在標鑒匪今斯九要切
君道五言勗已思雖然貴行顧惟是勵孜孜

戲題官窰盤子

甲字明鐫器底心撫之薜暴手中侵笑斯假借為說項
古已有然何況今

按考工陶旋之事髻墾薜暴不入於市注疏家雖言
之而未詳予謂髻墾謂其器之不正薜暴謂其紬之

不純茲盤乃辟暴非髻墾也而舊鐫甲字是亦假借之而位置之上等也今之瓷器若此者亦不得價獨於古瓷器則不論矣向題官窯碟子有古丙科為今甲第之句蓋器底有舊鐫丙字是彼時三等為今一等亦因其為宋修內司之遺年代久遠以少而見珍耳茲盤乃舊鐫甲字物既有之人豈不然因戲題此什

陝西巡撫巴延三奏報各屬得雨詩以誌慰

護撫甘霖報省城撫臣續報以迴程數日前藩司秦承恩護理撫篆奏西

安省城於三月二十七日得雨極為深透茲該撫已延三續奏各屬得雨情形蓋却署總督事仍回本任行途

所見五州五府胥需被曰麥曰禾總發榮已延三行抵陝西永壽等

縣目擊雨澤甚為優渥及回署後查據西安同州鳳翔延安漢中五府商鄒乾鄜綏德五州各屬先後稟報均於三月廿七八等日得雨需足田中麥禾益滋飽綻市糧充裕價值亦屬中平似茲雨暘時若南北胥同真堪慶幸耳戶口蓋歲民氣裕市廛糴糶賈沽平邇來南北多

時若敬畏心殷益戒盈

題名畫集冊

著粉為雪色猶看唐法存惟紆性情曠豈走勢豪門

語二

用名畫

山靜人絕跡林寒鳥不喧香光笑顏米無李若

能論

是幅有董其昌題跋以米芾曾作無李論使當日得見此圖亦必登之寶章待訪錄矣云云

右李成瑤峯琪樹

秋浦兩鴛鴦雙棲不改常蘆蒼垂白冷荷敗罷紅芳似
喜弗離別奚曾戀稻粱上人出家者此畫却無當

右惠崇秋浦雙鴛

林句原薌衆何人不願為影疎水淺處香暗月昏時自

是詩中畫茲為畫裏詩乃翁著筆否猶此致然疑書畫譜載馬麟
遠之子能世其家學然不逮父故遠多以已畫題作麟
款蓋欲麟得譽也此幀畫水中梅影致極生動故戲及
之

右馬麟暗香疎影

未知牛有角可亞鳳棲桐芳草雙遊綠名花偏傍紅晨
鳴相和去聲兩午舞獨稱雄孔雀舞而張尾多在午時不以開屏麗何

當入檻籠

右林椿花木珍禽

元素自耘生

周元素號自耘生

畫家不著名想當愛高逸所以

慕淵明五斗本無羨東籬覺有情寫時酒氣勃爭座擬

真卿

張照臨顏真卿爭座位帖幀末自跋云酒氣勃勃從十指間出蓋自道其得意也是幀寫淵明醉態

情景宛肖當亦同為神來之筆耳

右周元素淵明逸致

藝苑號多能伯時具體稱

見珊瑚網及容臺集

簡圖披小幅說偈

似高僧魄石峭從減寒花朵不增却教蜂四五飛繞惜

難勝

右錢選野芳拳石

直隸總督劉綏奏報普霑雨澤及麥苗秋禾情形

詩以誌慰

保陽七寸奏霑泥各屬情形待報題入土淺深雖不等

普膏遠近已同齊

劉綏奏保定省城於四月十二日得雨七寸其各屬情形待報齊再奏茲

奏良鄉等一百二十九州縣俱於十二三等日得雨自二三寸至八寸並深透不等甫屆夏令得此優澤不特麥收可期豐稔而一切秋禾勃然生發彌望青蔥即秋收亦屬可望農民極為欣慶麥薊將秀益

增茂禾黍拔苗均被禔正是昨年望雨際

去歲此時望雨正切自四

月廿一日虔禱 黑龍潭後連朝甘霖大霈麥田尚得
獲半收若今歲之普霑渥澤實屬仰蒙 昊貺矣得
斯滋勵敬之躋

題周玉亞尊

銅嘗鑄而黜玉自琢之重

是器製同西清古鑑中周亞尊

難考亞為孰

總供祭所宗形非犧與象用間

去聲

旅和從穆若古相對

依然敬以恭

文徵明山水

憑欄俯層閣空濶神怡神祛暑松陰老點秋楓葉新高

山森翠巒流水淨漣淪佳客攜琴至應為同調人

浙江布政使顧學潮奏報晴雨田蠶情形詩以誌

慰

田欲霑霖蠶喜晴其間兩適得難平他方鮮此無煩慮

浙省於斯最繫情

麥田喜雨蠶事喜晴浙省蠶桑與農田並重故陽雨必得時若方慰廛念

麥迨秀時雨澤普蠶將眠候霽和并

茲據布政使顧學潮奏稱省城於三

月初五初六連日得雨入土深透十三十七二十一等日復又得雨一二寸不等並據各屬稟報情形大畧相同二麥秀實蔬豆長發而雨後又幸天氣晴和浙西一帶蠶事方興正宜飼育洵堪為閭閻忭慶

承宣

護撫飛章報

時浙江巡撫琅玕入覲顧學潮護理撫篆例得飛章馳奏

額手慰心勗

敬誠

偶為振衣濯足圖戲題以句

振衣濯足句誠高足見太沖興致豪千仞之岡澗底水
一時陟降豈無勞

詠痕都斯坦花玉匝

質擅山輝工成水磨村攢萼疊麗泉益壽之花盃
曲流長周家永祜之製致潔用宜注水迎年得兆

乞漿萬里譯重卅賢銘代

奇製天方器雅同周代匱四環可提繫一盞稱去聲攜持

撫外影瞻內

言其薄

花擎葉反披

言其式

密無鑄泐處簡詠

五言詩

廣東巡撫圖薩布奏雨水糧價情形詩以誌慰

望雨春初繫念焦甘霖隨獲幸連朝

廣東地氣溫暖春初播種即須雨水

霑濡正殷盼望隨據撫臣圖薩布奏稱於二月初初繼茲

五初六十二三等日連得透雨

塵懷為之稍釋

繼茲

仲月頻霑澤各屬良田普發苗

茲又據圖薩布奏稱省城及附近各地方二月

自八八八八
十五二十一二十五等日續獲細雨十四二十三二十四等日又得中雨二十二日復大雨如注高低田畝均有積水秧苗長發青蔥現在及時栽插雜糧蔬菜等項亦皆茂盛二麥正屆成熟連獲雨澤頗資接濟並據遠近各屬具報情形約畧相同商販穀船源源而至民食充裕糧價俱屬平減 已有穀船銜尾至欣看糧價市頭消民天國本惟斯要慶慰寧分近與遙

王翬夏木垂陰

粉本原從紈扇來

翬自識云趙文敏有紈扇小景因師其意寫此

居然天水綠

陰纔放彌卷合如是耳春未夏初豈異哉

詠古玉雙環

肉好原相等

爾雅釋器肉好若一謂之環是器肉好相等正符古制

瑤環迴出羣

一雙恒自合百代永無分豈有息媯恨不須摩詰文五

言頌豐劍古器詎知聞

山東巡撫長麟奏報各屬得雨深透詩以誌慰

昨駐香山嘉霽逢正殷南望密雲濃即其日亦霑膏澤

閱九朝欣啟奏封

四月十二日駐蹕香山甘霖大沛時陰雲四合知被澤必廣昨已據劉我

奏直隸亦獲均霑茲又據撫臣長麟奏濟南省城於四月十二日戌時起至十三日午時止大雨霑霈極為深

透並據各府州屬陸續稟報均於十二十三等日連得
霽雨自三四五寸至深透不等麥穗含苞日益飽綻所
種秋田俱經出土此次雨澤尤為得力且自夜達旦次
午即晴暄潤兼施雨暘時若鄉農人等無稱每年三四
月間如此透雨實難幸獲是香山南望之際正東省優
渥之時東省比直隸保定較遠故於廿一日始得奏章
而距甘肅普被時僅九日耳各屬胥稱深透潤二甃可卜餅飴供頻
聞農慶報近遠感激心惟勵敬恭

御製詩五集卷四十七

欽定四庫全書

集部

御製詩五集卷四十八

欽定四庫全書

御製詩五集卷四十八

古今體七十一首

已酉六

西直門外

掄元歸紫禁覩穠度青郊麥穗結將實禾苗方以苞幸

逢雨暘若益切悚欣交獨是念遠驛

昨據將軍鄂輝等奏廓爾喀聞官兵

將至驚懼遠竄並據仲巴薩甲兩呼圖克圖遣往諭話之喇嘛諾勒轟勒卓二人回稱廓爾喀有願附編氓等

語此時尚無實信奏到殊切懸望

殷勤愁未拋

安徽巡撫陳用敷奏二麥雨水情形詩以誌慰

仲春霑澤早聞知春季雨暘報應時

安徽正二月間春雨透足已據陳用

敷馳章奏報茲又據奏三月中旬之十三十四十六二十等日下旬之二十一二十八二十九等日均有雨澤

大麥已經結實小麥吐秀齊全油菜蠶豆亦俱結子成熟稻田現已播種秧針漸次出水各市集糧價中平地

方一切大麥實成小麥秀高田種遍水田滋民情似忘

昨災狀歲事庶堪秋熟期築圃納禾日尚遠諸凡戒滿
敬為宜

伊犁將軍保寧奏伊犁各城戶口耕牧情形詩以

誌慰

保寧奏自抵伊犁以來察看該處耕種百穀屢歲
豐收牲畜孳生繁息其穀價較之內地頗減所有
人口除伊犁駐防滿洲綠營錫箔索倫察哈爾厄
魯特回子萬餘戶外貿易之民亦漸增至數萬在
此置產者既多而於城市開鋪鄉村耕種者亦復
不少較之從前富饒數倍實與內地無異慶非初
料所及因成七律誌懷

伊犁萬里歲逢收商賈流通戶口稠布噶特遵田界禁

向禁布噶特於附近卡倫地方私種地作平哈薩聲讀克市

畝防其偷竊近年志遵禁約無敢違者

馬求售

每歲哈薩克以馬來易帛匹者不絕於路

蓋歲有素衣食裕耕牧無

驚作息休耆定初心敢期此

伊犁延袤萬里初歸版章善後事宜頗難布置故予

平定準噶爾後勒銘伊犁之碑文云屯種萬里之外又

未可謂計之得也其潛移默運惟

上蒼鑒之予惟

奉時相機今日之下亦不敢料以逆也云云茲據保寧

所奏耕種日廣牲畜孳生實屬仰邀

天佑非初心

所敢期深蒙必者

天佑愧何修

河南巡撫梁肯堂奏三月下旬雨澤並乞緩徵昨
歲被災州縣帶徵錢糧詩以誌事

季春廿日被甘雨此後未聞渥澤音昨據齊疆報嘉霽

豫東二省於二月二十日同時得獲甘膏嗣後未據再
奏雨澤頗殷盼望昨據長麟奏山東省城及各府州屬
於四月十二三日連得霽雨自三四五寸至深透不等
其情形與此間相仿而豫省仍未奏至日內正深繫念

已因豫境繫遙心茲仍下渰稱優霽茲據梁肯堂奏續

陳州等四府並汝陝二州所屬之涉縣桐柏正陽新蔡
沈邱伊陽盧氏暨光州所屬之固始息縣商城十一州
縣各報於三月二十日俱經得雨又據開封等九府許
汝等四州所屬稟報於三月二十七八日復得雨自一

二三四五六寸至深透不等合計通省均已普霑二麥早田連被渥澤倍見豐茂糧價亦俱平減等語 知

是夏初未霈霖

梁肯堂此奏摺係四月十八日拜發則此情形其奏摺係四月十八日拜發則此

間與山東四月十二三為請緩徵還再緩又據奏衛輝之兩豫省未得霈被也為請緩徵還再緩又據奏衛輝府屬上年被災之後新舊錢糧及民欠等項積累過多加以應完銀穀等項較每年額徵之數多至數倍等語衛輝懷慶二府屬之汲縣等十三縣上年雖已加恩緩徵但新舊錢糧及民欠倉穀籽種等項過多而歸德府屬之商邱等州縣上年麥秋雖尚屬有收但屢年災歉元氣未能驟復若一時並徵民力不無拮据因即降旨將衛輝府屬上年被旱稍重之汲縣新鄉獲嘉輝縣四縣本年地丁錢糧令緩至五十五年麥熟後開徵其被旱較輕之淇縣延津濬縣滑縣封邱考城六縣並懷慶府屬之原武修武陽武三縣令緩至秋後開徵其歸德

府屬之商邱寧陵睢州三州縣本年應徵新糧
令自五十五年起分作兩年帶徵以紓民力
於民寧

靳施去聲思深

詠痕都斯坦綠玉碗

淡以水方濃以韭淡濃之際暈交并雙垂作蒂如含果

六出為花不離去聲瓊豐殺去聲莖柯從節度毫芒不平聲鄂

悉分明專諸巷裏精工者蘓州專諸巷出玉工較痕都水磨所為遠不及三舍

真當退避行

莫是龍東岡草堂圖即用其韻

楓丹松翠護書堂亦有禁平聲風松亦耐霜楓撫卷高人

蓋自喻那知戶外過斜陽

廣西巡撫孫永清奏報雨水糧價情形詩以誌慰

偏師昨歲定安南不得已非民地貪

上年安南內訌黎維祁之母叩闕求

救因命孫士毅統兵聲討蓋黎氏臣服本朝百數十年最為恭順一旦阮惠肆逆誼難坐視所為不得已而用

兵並非利其土地人民也遂復黎城威實耀旋思粵省役難堪

孫士毅長

驅深入兩旬之內克復黎城實鞏國威然一切芻糧運費雖俱動用官帑而廣西地狹人稀運送人夫不無勞

攘已早為繫念矣

不期事變成欠局設早歸兵歲美談

黎城既復嗣孫

嚴封字小之誼已盡此後即有變故豈可長耗中國之物力為黎氏久計安全是以彼時即有班師之諭乃孫士毅遲留月餘尚復意有所圖詎料變生意外阮惠潛復侵逼黎城官軍不得不與之戰旋乃撤回而黎維祁又先逃至內地此固天厭黎氏非人力所可強予上冬即有此語然使孫士毅早能遵旨遄歸則全局已臻美善矣

暘雨若時糧減價
茲據孫永清奏現駐近邊一帶查太平府各屬自二月以來每間數日輟得大雨一二次溝塍充滿處處翻犁播種足資潤溉並接據各府州屬稟報田疇雨澤情形大概相似所有麥田亦俱長發漸次結實其各屬糧價俱平此實仰邀

吳蒼鴻
貺少為慰藉耳

邊民樂

業慰予慙

河南巡撫梁肯堂奏魯山縣生員傅麟瑞七世同

居子孫一百五十餘人詩以賜之

中州夙號民風古麟瑞

傳

今聞實可嘉七世同居如許

王氏

向年福建撫臣奏侯官縣職員許王臣家七世同居科第蟬聯詩書孝友洵為盛事曾有詩旌獎

百人共爨勝楊

播

家

魏書楊播一家之內百口同爨庭無間言茲傳麟瑞百五十餘人七

世同居實屬遠邁前聞因勅部照例旌表並御書扁額特製詩章以旌敦睦

雍雍敦睦倡鄉

里藹藹致祥表近遐敢曰休徵因泰運安民調化敬惟

加

賦得石韞玉

得和字五言八韻
庶吉士散館題

美玉或間

去聲

石因名璞待磨藏中事烏有包外語真訛

卞和獻璞之說相傳已久無有闕之者以今和闡玉証之可知卞和所獻雜石性者有之耳無玉乎中而石包外必待剖而後知之理又安有用玉人相之以為非玉必待兩被刑而後知其為良之事蓋韓非嘆無知己設此自喻而耳食之訛世遂相沿莫知其非此不可以不辨詳見向所作卞和獻璞說為器訓李老

見道

受刑傳卞和那能隔膜見何異張

去聲

空羅瑟若未

追琢彬如需切磋圭璋雖達自修治實資他取譬韓非

設贈人司馬

彪

哦摘詞爰闢外獲企席珍多

河南巡撫梁肯堂奏報二麥約收八分有餘詩以

誌慰

正繾河南雨澤稀寄詢臨勘切民依

昨據梁肯堂四月十八日奏報豫省

雨澤仍係三月下旬情形方以此間四月十二三之雨
已及直隸山東而豫省未得均霑為念豫省河北三府
屢年歉收今春雨膏更殷盼望因命阿桂赴楚之便會
同該撫留心查勘據實以聞今日該撫報收成八分餘
為之欣慰欣披各屬以時報約過八分致旱非據奏豫省一
稍慰二麥約收分數十分者祥符等四州縣九分有餘者濟
縣等七州縣九分者杞縣等二十八縣八分有餘者陳
留等二十四州縣八分者通許等四十五廳州縣合計
通省收成約八分有餘等語豫省最重麥收茲仍得八
分有餘尚屬中稔數日廛早之懷固
為稍慰然尚俟阿桂查勘實信耳

夙識麥秋重豫省

流通水路達京畿

運河自臨清以北惟藉豫省之衛水濟運今歲河北三府不致缺雨故衛

水充盈糧艘迅速抵通而京師麥價亦可望其日減矣

萬方衣食一心計忍不攷

攷慎勅幾

出入賢良門觀射疊已卯詩韻

奎畫四言垂訓良

心殷董正企明敬率因佐治吉惟士用以淑民道在王

每歲詰戎臨發駕預期觀德試當場昔曾親御勵無逸

今則坐憑愧異常

向年每遇校射必先親御弧矢示衆自庚辰臂痛後遂疎步射時以為愧

幼即精勤五射習耄猶劼毖萬幾忙卅年示度哈薩

平聲

部

已卯春於此閱射維時哈薩克入覲是日親發二十矢中十八矢閱今正三十年矣彼雖樂觀百戲不若

示以射藝使彼不敢輕視中國予之所以諸衛如教

平聲

遵

祖制而遵

天庥者意實在此

貞觀皇

唐太宗日引諸衛將士教射於殿廷親臨試之且曰無事為爾等師有事為爾等將

迅矣

居諸誠足惜勗哉宵旰此仍覆曾元聰聽加之意永保

天庥四海疆

仲夏萬壽山即事

香山旋蹕此經過不入知曾有憾麼稔冉居諸閱半月

清和景物付流波綠深紅謝寧關我宵砧肝攷敢厭他

略識大端廓

爾呼為一音

二字急

客信

前據邪輝等奏廓爾喀有情願歸誠之語茲又

奏稱探悉該部落已派大頭人哈哩烏巴第哇帶領散番自伊寨落起程前來約旬餘可到等語想不日即可

藏事然究以速得實信方慰懸念耳

實音仍盼究如何

睇佳樹口號

前墀引見慎掄才

今早於玉瀾堂視吏部引見月選人員

務畢昆湖畫舫

開到岸興升睇佳樹迴看笑自箇中来

暢觀堂觀易有會

迴廊曼轉書堂有暢觀額檐據巖阜近山浸水遠復山
縱目怡心名不負怡者暢也豈易得都在春膏渥畝畝

既怡復慮泰而驕招損受益分臧否內爻三吉外三利

謙之深意元聖剖

謙之六爻皆吉人所習聞然按其爻詞惟內卦初與三皆曰吉二曰貞吉

而外卦四五皆曰无不利六曰利用侵伐則俱以利言蓋內卦為山止乎內之象也以心言則云吉外卦為地順乎外之象也以事言則云利爻詞之義精矣究之事無不本於心而大有之上九曰吉无不利即謂之六爻皆吉也於內為心外為事事之利在心之守心之守謙亦宜

自致吉吉无不利夫何有於斯一遊所得多豈在湖波

及林藪

懷新書屋

今年春雨渥而優早種稻苗綠潑油勝比常時名不副
徒懷陶句望空眸

過治鏡閣祿言

層樓聳埤垸四圍俯碧瀾漾舟自遠過真是鏡中看治
鏡向予名率已閱卅年每一繹其義言治誠亦難圖速
則不達無為近晏安萬民之衣食諸吏之賢奸九州之

豐歉四海之經權是均治所繫豈胥臻無愆治人先治
已克已思心官大公順應物庶幾如鏡懸

耕織圖二首

稻田蠶屋帶河濱正值課耕問織辰漫擬漢家沿故事

按漢書昆明池有石人二以象牽牛織女今之昆明湖
玉帶橋西有耕織圖處左右廊壁嵌有耕織圖石刻湖
東有銅牛一亦隱
寓漢書之意耳一般深意在勤民

稻苗欲雨蠶宜霽萬事從來艱兩全造化且艱副民欲
臨民者合懼矐然

石舫

蘭舫將登岸必依石舫傍可參動

蘭舫

與靜

石舫

並識幻

石舫

和常

蘭舫

常者動偏屬

蘭舫

靜翻幻豈妨

石舫

有為如是觀

去聲

所以示金剛

清可軒

肩輿至山北山軒號清可經過必一登登必為少坐既
以清憩衆亦以可悅我依壁復向陰無暑涼生安泐石
歷年吟未免言瑣瑣率欲無言去欲罷未能果



端陽日疊去歲詩韻

重午今何幸節吟連兩年

去歲四月下旬正殷望雨時幸三朝甘霖大霑因舉端陽

節事今年春夏屢沾渥澤各直省俱報雨暘應候值此令節自仍依例舉行而連歲成吟尤堪欣幸也得

天地之數成變化為沿育物對時鏡插蒲卽景船將無
心遂豫戒滿祗夔然

河南巡撫梁肯堂報雨詩以誌事

數日前披摺河止雨似遲切切為不安諭問由驛馳

梁肯

堂於四月十八日具奏河南通省三月下旬得雨情形予方疑四月十二三此間及直隸山東復得透雨豫省

河北三府壤地相接何以並未均需不然豈有拜摺在後而不言及耶因即諭令查明先行覆奏並命阿桂便道察勘具
實奏聞
今茲接迴奏南北均雨施率皆十二三燕齊

同日滋麥收可期豐禾黍苗發齊額手為之慰既慰復

嗔其十八之奏章十二三何遺

茲據梁肯堂覆奏自前次報雨之後續據開封

歸德南陽河南汝寧陳州六府暨許汝陝光四州各稟報自四月初十一一二三及十九二十二二十一二三等

日得雨自四五寸至深透不等其河北之彰德衛輝懷慶三府所報得雨日期沾透情形亦俱相同二麥正當

黃熟之時雨後連晴顆粒飽綻秋稼日見長發青蔥等語想阿桂不日亦即奏到梁肯堂斷不敷稍事粉飾惟該撫尚係晚事之人寧不知予之念切雨暘無時少釋乃十八之報竟遺十二之雨未能仰體予懷並即訓飭

其後訓飭俾戒後勤民謹毫釐

安南阮惠進表悔罪投誠歸順既允其請詩以誌

事

除逆扶危師有名辱王仍自棄其城一臣振旅堪稱智

二將捐軀可惜貞

安南黎氏臣服本朝百數十年一旦為阮惠所侵逼除逆扶危在我之師

原為有名無如黎維祁不能自振既為之復其土疆襲其封號乃見阮惠復來仍即棄國內投予去冬所云

天厭其德之說如操左券猶幸祿士毅始雖不即遵班師之旨繼尚振旅而還無損國威尚為深識大體惟

提督許世亨總兵張朝龍等臨陣捐軀堪為軫惜然已優加爵賞亦足以償其忠貞之志矣聲罪不

難致我討審幾原可鑒其誠

阮惠復至黎城自知罪過重大屢次款關悔罪乞降

孫士毅俱不允為代奏及福康安調任兩粵阮惠懾其威名益加震懾再三籲懇並諭其國內如遇天朝人經過加意照料伴送進關茲又遣其親姪阮光顯親至福康安處賫表納貢冀求降附據福康安奏稱察看阮光顯輸服畏感情形溢於詞色之表至表內詳叙黎阮構衅始末並無敢有抗拒官兵之心且其登覆縛送戕害提鎮之人語意委婉尤為誠敬得體而表末復聲明此時先令阮光顯進京代躬瞻覲俟其國事稍定阮惠於明年八月萬壽之前即當親身入覲閱其情詞洵屬出於至誠等語因思國家德威遠播調兵聲討正復何難但彼既悔罪抒忱出於忠悃審度事幾亦可曲加鑒宥正不必為其已甚因即開誠布公賜以勅諭恕其前愆痛其新機在天朝光明正明年詣闕親輸服乃可加封大之心中外所當共喻也

示寵榮

阮忠此次乞降可以舍其罪矣惟所稱願附藩封恪修職貢一節必待明年親身詣闕方可錫

以封號俾得長沐寵榮是以現在所進貢物概令給還亦必俟其明年親身呈進方可收受此又國家體制所

闕不容輕易者耳

賦得郁樸無成

得勤字五言八韻
朝考新進士題

上虞論衡著長短有攸分或謂儒為學不如吏治文是

誠兩弗識

用充語

應悉一歸勤少核郁無用未臻樸孰欣

雖然德性本寧肩簿書勲玉局舒國誚致君讀律慙微言非慢耳至論可思云二者宜何託勗哉佔畢羣

福建總督伍拉納奏報得雨詩以誌慰

良臣擇要移兩粵

福康安任閩浙總督實能盡心民事惟因粵西有籌辦安南事務因即調

任兩

舊撫命迴督七閩

上年徐嗣曾駐劄臺灣伍拉納以藩司護理撫篆尋陞河南巡

廣

撫既念伊係熟手因擢授閩浙總督仍命迴閩

春季霖霖雖已報

閩省冬春雨澤未優嗣據

福康安於未赴粵之前奏稱二月間省城暨各屬連得大雨少為慰念

夏初恐旱望方諄

霧霰欣得被省會

茲據伍拉納奏三月中旬旬得雨之後晴霽兩旬低田一律布種而高田望

雨復殷隨即設壇虔禱幸於四月十三日得陣雨數次入夜密雨連綿十四日午時至十五日丑刻大雨淋漓

申刻又有密雨至十六日寅刻方止高下田疇俱已入土深透且雲氣陰濃雨勢必廣飛飭各屬報齊再行續

秦農民歡躍糧價漸
平地方極為寧謐

優渥曾均詢屬隣糧價頓平民氣

豫幸哉南望慰增寅

題錢選畫時苗留犢圖

為令治一縣去官惜衆村

畫中有村民留戀意

犢留表已潔將舐

置他寬

老將有回顧情

射醉斯過甚留錢可並論

用劉寵事

雲溪神

解得繪事激揚存

詠哥窯壺

魚耳邊傍穩鐵釘足底呈淡然消火氣穆若葆神情窰

則代傳宋匠斯名紀生

宋時處州章生一生二兄弟皆主龍泉之疏田蜜生二所陶青

器純粹生一所陶色淡故名哥蜜

設如分次第可識出難兄

阿桂奏河北雨澤田禾詩以誌事

肯堂報雨未臻悉續奏方知需澤霽

梁肯堂四月十八之奏竟未將四月

十一二三等日之雨奏聞及傳旨詢問始於昨日續據報到南北均霑情形然猶俟阿桂奏至更為深悉也

先是閣臣遣事審遂教河北勘災詳

茲據阿桂奏於磁州會審事件完竣

即親赴豫省察看河北二十五屬於四月十一二三等日得雨深透寬廣並云現在菜子已經收割大麥亦在刈穫小麥再得十餘日亦可登場約計收成總在八九分以上至穀米高粱青蔥茁發早豆亦俱出土以及紅

花棉花等項無不含潤數榮民情歡躍僉稱非但與前
兩年迥然不同實為十數年來所未見及至榮澤見河
以南雨澤田禾尤為充足暢茂麥穗一莖有多農功大
至六十餘粒者覽奏知非飾言厯念為之略釋

起堪予慰膏霽普滋幸衆康定匪飾言紓切念南瞻畧

釋視如傷

浙江布政使顧學潮報春花蠶絲收成豐稔詩以

誌慰

田協霑膏蠶協晴九分雨得報收成

顧學潮奏浙江各屬春雨霑足大麥

陸續登場小麥亦俱結實飽綻春蠶漸次成繭現據查
明各府州縣春花蠶絲收成分數杭州嘉興寧波紹興

溫州五府屬二麥約九分有餘湖州金華嚴州處州四
府屬二麥約有九分台州衢州二府屬二麥約八分有
餘統計通省二麥收成九分有餘杭州嘉興二府屬蠶
絲收成九分有餘湖州府屬蠶絲收成九分統計蠶絲
收成亦九分有餘田功需澤蠶事需晴茲晴雨各協並獲豐收實堪慰慶足衣資食酬民願

旰食宵衣慰我情護撫司藩合申奏

巡撫琅玕入覲顧學潮護理撫篆收

成分數例

慎微戒滿益盟誠封章南北多吉語

昨據康安奏

得陳奏安南阮惠進表乞降茲又據阿桂顧學潮奏河南浙江
豐收情形吉語駢臻洵屬大順欣慰之下敬畏益深

自問何修幸畏并

江西巡撫何裕城安徽巡撫陳用敷各奏報麥收

分數詩以誌慰

南暖北涼氣候然麥收南早北遲延八分同得殊報日

安徽巡撫陳用敷江西巡撫何裕城同時奏到通省二

麥約收分數俱八分有餘及披閱拜摺日期江西係四

月十六日具奏安徽係四月廿六日具奏自係南北氣

候涼暖各殊故收成遲早亦異而江西在南故到遲安

徽在北故到速其計里殊行同有年餅餌可期價減市

為有年固無殊也
泰禾更喜茂連阡偏災兩省昨歲被去秋江西安徽沿江濱湖州縣俱以

水勢漲發間有偏災茲幸兩省胥獲稔收感謝幸接青黃慰謝虔

仲夏遊玉泉山

橋過青龍向玉泉農功歷覽意欣然水田稂稻旱田麥
苗吐菁蔥稂稻穗吐全麥陰布巒林擢穠秀露含階卉鬪
芳妍撫箋欲詠還停筆慚愧今年勝往年

分鑑曲

玉泉山之陽天下實第一小者不勝數上聲如珠吐波出

山左別為湖巖竇淙乳溢居然領衆派可與第一匹幾
曲分鑑光津逮北峯密出牆原合流玉河瀉沕滴是日
遊北峯鑑曲歷一律形為鏡影澄聲作琴聲謚大凡山

之秀必資水之泌於茲論嘗嚮溯源究天隲

題創得齋

創得齋名此鼻祖山莊效此額檐頭

庚辰於避暑山莊
構書齋亦名曰創

得彼翻常到斯翻偶未可恒孤畧可酬葉始田田荷意

遠枝爭濯濯樹陰稠北峯欲陟茲初路小憩仍勤庶政

諏

將陟山陰仍先
於此傳餐視事

書畫舫二首

到處溪邊肖舫為愛他歐米用名之一為甚乃弗啻再

每偶臨斯愧在斯

既稱曰畫書應可何畫而非括以詩坐舫不分真與幻
胥為讀畫繪詩時

該妙齋

山北第一處其名該妙齋峯姿與水態朗潤得幽佳小
憩塵心遠閒吟靜趣諧然予無逸者耽此或成乖

含經堂有詠

長春園堂名含經以備菟裘枕簟之

長春園之含經堂以備六十年歸政

後居此崇情枕
菲願養天和

茲玉泉山北東麓亦用斯名亦久時輕

輿幾暇一遊厯坐堂遂以衍義思四庫之書我所輯曰
經實彼三者基注者疏者難僂指出奴入主紛然滋如
入大海算沙數幾不目因五色迷求注疏當求本經更
在心契古聖詞經含我乎我含經舍內求外誠多為

石衙亭口號

山亭石似排衙護借宋之名非宋為

杭州鳳凰山上有
排衙石乃南宋舊

跡茲亭特與至路中恰可憇彼人子語實堪思
借其名耳

妙高寺

竺宇峰之頂向名曰妙高雖云述玉局却不住僧曹騁
望目因遠摘詞興亦豪麥苗齊吐穗資實待甘膏

憩雲齋

適從御園來厯厯田功莅稻町芄蔚苗麥壠齊吐穗實
資春澤優秀而實時暨乃彌月未雨切我望雲意怡坐
寺傍齋即繹檐額義謂雲即當興為霖漫斯憩

含醇室

極頂既暢觀石棧落斜底有登必有降可以該萬理旋
南復北轉樸室幽谷裏小憩悅靜謐可當去聲披書史乘
輿及昇者勞逸胥忘彼是實註含醇欲絜為政矣

詠素堂

山頂暢遙望山坳愜謐思降因陟而得靜勝動應知繪
事四隣具詩言三字宜既然仍點筆合致自為嗤

倚晴樓

遊暢畢山北黃緣至山南翠微有迴樓倚晴久額檐是

時微望雨循名頗覺嫌既思愁霖際顧名喜或添嫌乎
及喜乎人意無定占幸樓本無知如知其何堪

山東巡撫長麟奏報二麥收成十分詩以誌慰

從來收麥計其分八九分登已足欣何幸青齊稱十獲

誠為厯載未前聞

長麟奏山東二麥約收分數通省十府二直隸州內濟南東昌武定青州

曹州等府屬之沙地泰安沂州登州萊州等府屬之山坡地收成九分有餘其餘地畝俱十分有餘兗州臨清濟寧等府州屬之沿河窪地收成九分其餘地畝俱十分有餘合計通省約有十分實為數年內所僅見等語東省昨歲秋田已屬豐收而今年麥秋更逢上稔感蒙鴻貺莫可名言惟有諄勉該撫共勵敬勤以冀仰

答天庥耳 秋田昨歲况逢稔夏稼今年又遍耘慶慰之餘

無別諭囑諄戒滿敬加勤

湖北巡撫惠齡奏麥收分數及雨水情形詩以誌

慰

水過涸田廣種麥是為最要接青黃九羸牽以八猶賸

接短因之補厥長

楚北地方向來種麥本廣上年被水之後涸出田畝補種二麥較往歲更

多茲據惠齡奏麥收分數九分有餘者三縣九分者三十五州縣八分有餘者六縣八分者二十四州縣牽計通省六十八州縣收成雖不足九分而已八分有餘小民正值揀秧之時獲此接濟口食有資益得服勤農事

歡慰倍
越尋常

更喜宜晴薊刈穗時霑佳霽稻分秧

又據稱該省自三月

中旬以來每旬均得透雨一二次交夏後晴霽經旬二麥得以及時刈獲現在稻秧已漸蒔竣所有池塘陂堰

均有蓄水此間苗秀殊常好望雨正需資灌漿

此間自四月十

二以前屢得透雨二麥極為茂惟日內正在麥穗灌漿時亟望需澤將來麥收或可致九十分若再五日不

雨則可惜祇成七八分而已

廣潤祠請雨再疊丙午韻

尺澤初夏渥茲將彌月過

自四月十二雨後今已逾月矣

及時申悃悰

嘉霽顙霽霓稔熟原滿擬優膏恐負哦流陰誠迅矣一

歲閱無何

鑑遠堂口號

靈祠側畔有書堂視事傳餐憩所常豈謂臨波賞煙景

驛章望遠正焦忙

時廓爾喀歸順實信及官軍班師之奏尚未至日夜盼望而復冀兩胥切

焦悶

無盡意軒

巖軒每偶到到每引新意是即謂無盡寧因景佳致然而景不無却以意為率新者固因他意則原蘊自自無

盡在何惟在勤民事

瑩心堂

綠水繞溪堂水瑩心亦瑩水瑩本天然心瑩如磨鏡高
頰有名言獨孤乃相稱

聽鸛館口號

出谷恒當夏首時却原望雨懶遊嬉如簧似管彼常負
斗酒雙柑我不為

邵窩有題

散步遊邵窩因詠邵子事平生不皺眉此其心平易皺

眉有兩端愁與惡

去聲

之意在邵或其可在予兩艱置昨

著讀洪範是愁不能棄

近著讀洪範謂以六極自省幸無其五而不能去其一者曰憂

如春憂雨之不足夏憂雨之或過秋憂歲之不登冬憂雪之未降至於古稀說之八槩時憂其或萌合衆中之萬民時憂其失所皆所謂先天下之憂而憂者豈惟不忍去且更不敢去也

善善與惡惡人

君以為治見惡而不惡實乖懲戒義惡惡眉必皺堯夫

知我愧

霞芬室

淡然書室俯荷渚香色入觀更入聞九夏山莊恒避暑
幾曾於此挹霞芬

直隸總督劉綏奏報二麥約收分數詩以誌慰

直隸近山左麥收報反遲蓋因南北候故異後先期

直隸

近畿而劉綏奏報二麥約收分數轉在山左之後自因南北涼暖異候故收成遲早各殊耳

十欠漫

生惜八餘亦可怡

直隸入春以來兩澤優渥二麥無不暢茂茲將屆成熟之期據奏約收分

數九分有餘者大名一府九分者順德廣平趙州三府州八分有餘者順天保定永平遵化易州深州六府州八分者正定天津承德冀州定州五府州七分有餘者河間一府六分有餘者宣化一府牽計通省麥收約八

分有餘雖不及山左之報自憐還自解究欠足之知
有十分亦尚可稱中稔矣

陝西巡撫巴延三奏報麥收分數詩以誌事

陝以麥為重八分報有餘

巴延三奏陝省六十八廳州縣二麥約收分數內十分者

三縣九分有餘者十一廳州縣九分者十二廳州縣八分有餘者二十四廳州縣八分者十州縣七分有餘者

七縣七分者一廳統計共八分有餘陝省各屬多以麥收為重今歲自春徂夏甘澍應時現在將次登場可得

中稔閭閻衣食既足盜賊自消批覽之餘洵堪慶慰自春霑雨足入夏穫秋如衣

食民誠裕村莊盜自疎正供依限納贖欠命全除

又據秦陝

西應徵錢糧通完一摺內稱五十三年額徵銀糧草束均已全完帶徵緩徵各項亦皆按期完納惟潼關華州

華陰等處尚有未完緩徵銀三千一百六十三兩零未完耗羨銀四百七十四兩零並潼關未完緩徵糧一百二十一石零現在照例帶徵該省近年稔收小民踴躍輸將殊屬急公可嘉因即降旨將未完各項加恩全行豁免俾小民普無逋欠得免追呼以副惠愛黎元有加無已至意

麥田

麥田齊吐穗正屆灌漿時本擬十分者却當二減之

春夏

兩澤連綿二麥實可望十分收穫乃彌月不雨刻下正值灌漿之時未即繼澤恐減一二分數殊覺可惜

我許不與誠矣滿招虧自咎還自審過予將諉誰

還宮御殿路過覺生寺祈雨之作

秩晉千官合謝恩間

去聲

時御殿返宮垣雖云例事依常

舉心所關乎無逸存

一夜密雲惜未雨梵宮七日禱猶然

自四月十二日雨後又已逾月二麥

正值灌漿之際甚為盼切因命皇子等於五月十三日在覺生寺設壇祈請閱七日尚未沛澤今早經此積誠默禱途中即獲甘霖優渥感荷神庥倍加虔敬

輕輿順路因躬詣叩請益慙

益致虔

初猶震震繼霧霰急陣途中水漾波傾耳聽還凝目望

縱縱聲色豈辭多

西直門外六韻

昨日雨過午申時雲放晴居宮心為爽御殿禮欣行

向例

御殿之日遇雨則停止行禮昨晨雨既霑足而申刻放晴今早仍行御殿

趁曉籞園返憑輿

農景評既收未熟麥

郊外之麥有既收刈取成堆者亦有方結穗在田者

望霽

既收

之麥必得曬瞭不至霉而生芽

盼霖情

未熟之麥再雨並資灌漿飽滿收成分數可望加增

一意

渾無定五言漫有成亦惟增愧耳厭聽頌精誠

湖南巡撫浦霖奏二麥收成八分詩以誌事

湖南土性別與麥不相宜種植每勤勸青黃頗借資

浦霖

奏湖南地土多不宜麥向來種麥之處止有二十四州縣自後茶陵等五州縣間種二麥本年又勸諭武陵華容二縣亦令試種茲現陸續登場合計三十一屬麥八收實有八分當此青黃不接之際於民食頗資接濟

分中稔報卅屬萬民怡近遠及遲早一心十二時

喜晴

五月廿二日

城外城中各殊致盼霖

為未熟之麥

望霽

為已收之麥

不同情

昨

九日之雨近京得四五寸圓明園一帶甫二寸餘究非優渥廣被也

究之未可謂溥雨既

夜連朝迺喜晴

昨日陰雲濃厚晡後即有微雨入夜勢更霧霏至今早辰刻方止而已牌旋即

晴霽尤為可喜

弗慮發芽為缺欠

謂已熟者

更欣飽穗益充盈

謂未熟者

顧瞻禾黍茂苗翼此際常年率始耕

向年或遇春月缺
兩夏至前後大田

始得播種今歲春雨優霑昨見道傍禾黍俱已出
土青葱得此渥膏自當益滋長發實向來所罕觀

還宮齋戒即事

北至臨

大祀還宮有事齋曉涼稱

去聲

心爽農景入觀佳露潤黍

禾盛秋登薺麥皆對時幸時若惟是鞏寅懷

北至日

方澤禮成述事

欽定四庫全書

御製詩五集

卷四十八

二十五

望八祇餘一純陽始復陰協時虔舉

祀仰

位惕如臨慕以薦琮久懼因沐澤深承

裡仍六次

計自來歲庚戌至乙卯歸政之年再當躬承
大祀六次獲遂初心實憑 春佑

籲得副初心

河南巡撫梁肯堂報二麥收成九分並雨暘時若

詩以誌慰

迺北伊南夏收定絜長補短九分餘

河南巡撫梁肯堂
奏二麥實在收成

分數開封歸德彰德衛輝四府及汝陝二州所屬州縣
皆八分有餘懷慶河南南陽汝寧陳州五府及許光二
州所屬州縣皆九分有餘合宜暘麴麥迴青免足雨泰
計通省二麥實有九分等語

禾助長

上聲如初又奏稱據開封等九府四州稟報於五月
初八九暨十四十八十九并二十二二十一

二等日各得兩自一二寸至六七寸及深透不等早禾
得此霽澤滋培倍見暢茂晚田亦俱及時播種此時二
麥早已登場足稱豐稔糧價平減聞之殊甚欣慰何幸其逢遙慶彼略嫌將過

近塵予

京畿春雨優渥自四月十二日以後晴霽逾月
望澤正殷五月廿四日喜得甘霽旋即放晴於

未收之麥及禾黍益滋飽滿生發日來積陰雨勢綿密
未止又恐過多於已收之麥有碍晒曝未免為之塵念
耳三朝間頓殊愁喜昨北至還宮齋戒憑輿歷攬已收
之麥既得晴霽曬曝弗慮發芽未

熟之麥及大田得霑時雨更資充實茂實為欣喜今日又連綿雨恐致過多三日間愁喜頓殊信乎為君之難也
可識君難直筆書

詠和闐玉倣周召夫方彛

美玉多教倣古為
召夫因琢此方彛
百工何不可返樸
欲擬淳風以漸移

福建巡撫徐嗣曾續報得雨詩以誌慰

閩省用兵後田功最繆情春乾繼霑潤霽獲復多晴

昨據

督撫伍拉納徐嗣曾奏閩省自三月中旬得雨之後晴霽兼旬高田望澤正殷幸於四月十三四五等日已得

透雨并稱飛飭各屬查報續奏等語優渥夏方被漳泉澤亦并

茲據徐嗣曾續奏福

州府屬並省東之福寧上游之延平建寧邵武下游之興化永春等各府州俱於十四五等日先後頻得霽雨田水充盈惟泉州漳州汀州三府及龍巖州地方同時雖間得陣雨未為霑足嗣省城又於二十三、四等日連獲甘霖而漳泉一帶亦已霑霑早禾尚可及時栽插更高阜之地俱可補種稞糧米價漸平民情甚為恬豫
堪欣慰者糧價市頭平

喜晴

閏五月初一日

徹宵霪未已傍曙翳全開雲向東南去風從西北來堆

場穗無礙在町粒加培

二麥已刈者既得曬曝不致有霉蒸之慮在田未熟者更可灌

漿飽綻顆粒加增

較量同農父慰中滋惕哉

詠哥窯鑪二首

考工不入市之器

考工記陶甌之事髣髴
微薛暴毀均不入市

歲久茲為席

上珍古丙乎而今甲矣

宋時官哥多有薛暴者器底有
舊刻丙字知非當時最上之品

而今入甲第蓋
以少見珍耳

絜其品格有如人

弟陶色美兄色淡

見春風
堂隨筆

火候短長偶一朝百圾淺紋

微薛暴也稱佳玩實哥窯

四川總督李世傑奏報麥收八分餘及雨水情形

詩以誌慰

川省年年幸屢綏向稱湖廣尚過之

均稱湖廣熟天下足而四川近年以

來屢獲豐稔產米尤多下游之江麥薺秋報八分稔黍

稻雨經一尺滋

據李世傑奏川省二麥播種早者三月內即經結實其次於四月間均各黃熟

核計九分者順慶叙州潼川嘉定四府達州忠州二直隸州叙永一廳八分有餘者成都重慶夔州龍安寧遠

保寧六府眉州邛州資州綿州茂州西陽六直隸州石砮一廳八分者雅州府瀘州直隸州及理番廳合計通

省麥收實八分有餘又四月十七八九及二十二三四等日各屬普得甘雨入土深透現在早插禾苗已經長

發餘亦栽種齊全彌望青葱民氣歡暢等語

可望農功符築納自然民氣叶

熙怡盜風息內番馴外

從前川省咽喉賊匪最為民間之害自大加懲創以來地方官

俱知實力緝辦有犯必懲近年閭閻安靖盜風久息其沿邊各土司番夷等自大小金川平定後輸誠向化共

享太平民生其樂土蒼生愜縈思

喜晴六韻

閏五月初三日

每有喜晴什足知恐作霖昨宵原慶霽今曙又愁陰急
陣雖未久覆杯倏已深湏臾烟翳斂即漸旭光臨近遠
頻凝目徘徊難厝心傍申雲散盡遣鬱乃成吟

御製詩五集卷四十八